

涇川翟輔廷先生

國棟

磊落胷襟交游頗廣少壯投筆從戎

由少尹游保二千石所至有政聲晚年解組歸田手著蓬萊
仙館詩彙其中佳句如月夜下錢江云船隨潮落大江流夜
月無聲載滿舟山色富春看未飽半帆風已到杭州歸家云
送我多情千里月隨身作伴一囊書消暑閒吟云趨炎自笑
平生懶不許斜陽送熱來七夕云底事人間生嫉妬匆匆又
報五更鐘此外如翁埠晚烟云極目連城起沿隄一帶烟因
風籠柳陌似霧罩桑田織婦停機爨漁翁對酒眠悠然頻過
眼聚散總堪憐述懷云十年磨盾名纔就五載爲官願已休
山水之間常繫念烟霞以外復何求得隴何曾存別念治民
豈爲博虛名鶯花一路添新詠鷗鷺三生訂舊盟懷桃花潭

云桃花三月水邊紅。回想桃潭入夢中。猶記香風人影過。杜鵑聲裏一孤篷。潭上歌聲久不聞。春山烟鎖雨紛紛。桃花零落東風寂。只賸寒松伴白雲。聊園雜興云。隨意摘花供几席。一枝偏向老人嬌。池魚見慣常來客。隨水浮沈自在游。落花云。爛熳春光忽報歸。殘花無語怨斜暉。多情祇有風前蝶。猶戀餘香不忍飛。納涼云。更深露滴寒侵骨。夜靜花香暗惹衣。半世琢磨諳道味。四時寒暖見人情。過廣德州途中偶感云。三間破廟爲官驛。千里荒村認戰場。骨積寒山灰尙白血。流漂杵土猶黃。宿焦石埠云。荒村楓葉含煙冷。廢壘蘆花冒雨斜。望江門城樓晚眺云。雉堞高憑百尺樓。錢塘江水拍天流。漁歌牧笛知多少。都在斜陽畫裏收。皆意到筆隨自然流露。

之作

錢塘許慧娟女士

補

隨其尊人仲實先生宦游南昌著有萃

第閣詩草集中警句頗多惜千里睽違未克一窺全豹曾見
其和韻儂妹感懷云廿載光陰疾似梭春風如剪一時過事
於惱處須平躁病到愁多恐惹魔舊學君宜加密邃良辰我
更悔蹉跎雨窗兀坐慵拈綫千里相思付詠哦送四弟妹遊
學申江云塵海歸來恰兩旬天教聚首倍相親漫愁南浦歌
驪後風利輕帆慰遠人世界人爭唱自由英雄兒女各爲謀
願君努力干霄上門祚中興仗此游和硯傳寄懷元韻云勞
君遠寄新詩句累我沈吟日幾回倦倚高樓望明月一林寒
葉雁歸來深閨季女亦多聞強擘紅箋咏五雲

謂寫才調自韻妹

甘居下駟班門何敢戲呈文望月呈蘭郁妹云百結柔腸莫
解之何堪魔病惹愁思倚窗悵望三更月不訴嫦娥訴與誰
春日懷韻儂諸姊妹云昨讀新詩憶舊時殷勤書札慰相思
梅花清興負佳約蘭蕙同心託素知南浦波平春水皺北牕
日上曙鐘遲感懷姊妹鄱湖隔寄語東風好護持輕圓朗潤
酷肖晚唐人吐屬亦閨秀中不可多得之才洵足以增桑梓
光也

嘉興錢仲英

耆孫

簪纓華胄家學淵源年少工詩名傳薄海

丙午夏繪風雨聯牀夜話圖遍徵題詠余填西窗燭詞一闕
從此魚鴻來往成文字交今春來杭訪余於尊道堂一見如
舊相識出其題拙作云潘郎風度自珊珊久耳鴻名未識韓

莫道古琴諧俗少須知鐵板繼聲難杼機在手心尤細星斗
羅胸眼更寬隨處錦囊工覓句肯教長吉擅騷壇憶昔詞場
學問津近來彌媿餽糧貧願將骨格推前輩差喜心期步後
塵八代文章稱妙手雙吟風月屬詩人東施自覺慚形穢漫
向西鄰一效顰風流蘊藉詩如其人其他佳什甚多已採入
碧桃花館詩選

古黟孫次青先生

奇

別號世上餘人隱於市井練達老成性

情樸厚工五七言與余爲忘年交其題風月雙吟樓警句云

絕世人逢絕世才良緣脩得幾生來朱檻雕檐香霧凝有欄

杆處總雙憑和胡後莊

文杰

贈周小紅錄事原韻四截句云

年少輸君豔福多愛河風定水無波我來莫設靈王障要聽

賦江樓詩話

卷之一

三
著
作
林

當筵一曲歌擁出新粧貌若仙似曾相識話前緣蠻腰素口
卿兼美誰是人間白樂天芙蓉帳暖柳眉顰枕畔香盟絮語
頻整備護花鈴十萬莫教憔悴負芳春聰明壓倒薛濤才始
信章臺有雅材一點燕支顏色好萬花都拜下風來題殷豫

亭

梯雲

東谿漁隱圖云連日雨霏霏天桃花亂飛一谿春水

綠養得鱖魚肥幽居何處是門外藕花香知否東谿水能生
夏日涼兩岸蘆花白半林楓葉紅誰知垂釣者玩世一詩翁
甘將名姓隱一笑着簑衣醉卧梅花下月斜人未歸

先生尤擅律詩如題丹徒楊壽丞

鴻年

桃花人面圖轆轤體

五章云人面桃花話舊年一回追憶一回憐早知今日成虛
願深悔當初說有緣飛絮已隨流水去夕陽猶傍畫欄妍東

風吹起相思恨冷豆灰中又火燃春光滿眼爲誰妍人面桃
花話舊年密誓尙疑潭水淺芳心怕見月華圓欲除綺恨須
無我拚死癡情不願仙儻是前生冤孽債好尋佛氏說因緣
惱我春愁有萬千歡場過眼若雲煙禪心泥絮吟當日人面
桃花話舊年洪度姻緣難久恃崔徽圖畫更堪憐者番鍊就
嬌皇石破碎情天補或全詩情畫意兩纏綿一寸春心託杜
鵑倩女離魂原暫別息媯無語總雙眠陌頭柳色牽新恨人
面桃花話舊年若道書生多薄福幾多金屋貯嬋娟珠箔青
樓望渺然鶯聲啼破夕陽天傷心已鼓蕭郎恨繫足難分月
老權色界沈沈魔入幻愛河滾滾淚如泉會看崔護重來日
人面桃花話舊年

又詠落花警句云美人自古傷遲暮志士由來惜寸陰豔質
有情多困阨鈍財無用反堅牢風飄陌路恩先斷雨過園林
淚尙垂吹入東流皆恨水化爲西子謫情天才子銷魂談絮
果美人薄命證蘭因幻成人面六宮妬拈入禪機一笑空風
雨枝頭空色相文章水面感沈淪杜鵑叫冷三更血胡蝶招
回五夜魂樓前珠碎悲金谷坡下環沈哭馬嵬生逢絕色多
難老死有餘香亦足誇皆別出新裁不落前人窠臼

紫陽蘭英女史

芬

原藉鑑湖自幼失怙性聰慧喜畫蘭學詩

於倚翠樓主遭家不造萱花踵謝丙午花朝寄倚翠樓主自
繪蘭花筵面題句云九畹春來屬所思吮毫摹寫兩三枝品
高畢竟難諧俗願乞東皇好護持玩讀再三似不勝悲楚者

是秋溢逝倚翠樓主輓云憶昔年郵筒寄贈密字繡紅綃敢
云若蘭再生此後與儂常覲面嗟今日詩卷拋殘斷烟埋紫
玉詎料雲英未嫁箇中爲爾殼傷心擬將遺稿選刊苦已散
佚惟記其元旦云爆竹無端驚曉夢不知今日是何年春日
雜興云雨躡碧桃成小劫花開紅豆惹相思楊柳兩隄鳩喚
雨杏花十里馬嘶風玳瑁梁間巢紫燕蓄薇架外囀黃鸝臨
風蕉葉開屏障如雪楊花落硯池病起云弱不勝衣知病久
牙牀睡起倩人扶可憐人比爐煙瘦小立斜陽力不支春夢
云梨雲一枕迷蝴蝶芳草半塘聞鷓鴣贈倚翠樓主云如此
才華如此福曾經費卻幾生修算儂一事還徼幸絳帳叨居
弟子班送行云眼前千尺桃潭水可是離人淚化來細意熨

貼饒有俊才天不假年未字而歿惜哉

山陰賞許齋太史諱錯嘉慶己未翰林出宰寶豐游陞直牧

循聲卓著性純孝澹於名利強臺初上卽以終養乞休歸隱

武林之東城時徜徉於六橋三竺間不與世事暇則以詩酒

自娛著有小隱廬詩集蒙泉游藁遭辛酉亂散佚無存其曾

孫漢章先生照余之父執也於叢書中檢出刪餘舊藁見畧

如詠梅云數點好花纔着雪一鈎澹月正橫枝秋宵云半牀

月色詩留夢一枕松濤夜轉寒詠菜云色從饑歲見味到苦

時知清新典雅足徵先哲楷模他若詠新稻云后稷當年稼

今爲萬姓糧莫教鸚鵡啄先貢帝王嘗珠綴于莖綠花開八

月香野人朝夕望何日慶登場讀之覺公忠愛國之忱溢於

言表

錢塘孫小山明經

鼎吉

工帖括尤長古今體詩洪湯之變全

家殉難明經以子身避嶺南得免翩翩書記名公鉅卿爭聘

焉然自念虎口餘生室家蕩析抑鬱牢騷之氣流露於字裏

行間故其爲詩也哀而婉怨而不怒如客窗述懷云飄零身

世卅年餘歲月蹉跎終未舒傲氣每遭流俗笑窮途難免故

人疏盤殮有定知安命文字無靈愧讀書砥礪何妨寒澈骨

相逢豈屑說吹噓秋夜旅思云客情冷淡紙窗虛獨起篝鐙

強著書何待秋風始惆悵思歸原不爲鱸魚孤衾短榻黯青

鐙讀罷離騷感不勝今夜月華涼似水可能流夢到西興八

夕大雨偶成云曾聽河邊笑語嗔昨宵牛女會星雙雙星情

此人尤重一別揮成淚滿江不寐云無情月又上疏櫺照得
羈人倦亦醒一點寒鎧和淚剔五更殘柝帶愁聽馮驩彈鋏
心原赤玉粲登樓眼孰青我有壯懷消不克南華未了讀騷
經秋海棠云西風瑟瑟鬢含翠人自斷腸花自媚照到前身
明月圓一花一點相思淚柔情脈脈嬌顏醉欲語不語頻酣
睡傍取東籬劇可憐花開如許羞顛顛詠蝶云籬邊陌上幾
尋春風度翩翩自在身恥逐蜂衙原出眾得離蛛網見機人
盡天浩蕩眠餐穩香國盤桓歲月新游戲世間無滯相者番
變幻已通神解嘲云不須把酒問青天忙笑公卿靜笑禪客
免飢寒眞富貴身無疾病卽神仙閒偕詩友尋山水醉聽鄰
園奏管絃漫道腐儒蕭索甚旅囊猶贖買書錢送友人回浙

秋試云相送河橋忽不前羨君此去著先鞭我無親養名心
淡一再迴思一愴然客感云我是乾坤一贅疣紅塵深處怕
勾留身無薄技天猶忌事到窮途夢亦愁頑僕不知寒士苦
良醫難療旅人憂寸腸百轉應將斷敢爲吟詩再索按潦倒
書生命不猶難將蹤迹問閒鷗恨如亂石庚庚疊愁似新詩
乙乙抽把卷倦看重折角憑闌無語但低頭惱人最是天邊
月一夜寒光照畫樓閒來無事枕書眠趣得環中卽是仙三
徑馬盤芳草地一庭人坐落花天淵明琴做絃非設太傅碑
高字不鐫任爾前頭鸚鵡在惟知含笑聳吟肩蕭條旅館對
孤鐙趺坐沈思入定僧亦有窮愁同子美絕無眷屬似孫登
夢真易醒空回首事到難言但拊膺莫道羈人太寂寞梅花

作伴月爲朋。芸窗鎮日理牙籤。黃卷青燈我滯淹。脫網本爲
林外鳥登樓。怕看月中蟾。詩吟海角情多苦。酒飲湖心夢亦
甜。聞道故鄉消息好。幾時歸去下重簾。書齋夜詠云。閉門覓
句號書癡。蓮漏聲催總不知。倦眼微揩僮煮茗。寒肩頻聳我
吟詩。筆花燦爛鐙花豔。籤影依稀月影移。安得形壻搗藻
侍。寵頒金燭送歸遲。詠不倒翁云。鬚飄髻髯腹便便。剪紙
爲衣費彩牋。不肯低頭安我拙。生成傲骨怕人憐。無言似解
三分笑。跌坐何曾頃刻眠。寄語世間廊廟客。立朝須有此翁
肩。秋夜云。螢度晚涼天。秋風又一年。遙知深閣裏。砧杵話鐙
前。歸來云。歸來風月愛無邊。湖上閒遊記昔年。楊柳六橋青
翠地。琅玕三竺碧連天。酒逢知己傾瑤盞。詩爲多情寫彩箋。

一事不堪回首憶時當拜埽意茫然蒼涼沈痛如三峽猿聲
中宵雁唳不忍卒讀近聞所著映雪軒詩草其哲嗣邇安茂
才宗達擬在甌東刊梓云

海鹽胡芝漱

元慶

酷愛吟詠與余訂神交暮年今夏就歇浦

組織文娛報館亦一時知名士也郵寄近作囑入詩話如春
雨云簾外輕寒傍曉多東風峭冷雨婆娑綠楊隄畔人移屐
紅樹林中客荷蓑雛燕啣泥狂似醉濕鶯啼柳滑如梭香車
寶馬俱停卻深巷明朝試聽歌贈余云未曾相識讀新篇揮

灑雲烟滿錦箋世外湖山欣有伴閒中歲月本如仙風流似

舊欽元度翰墨頻通亦夙緣羨煞雙吟齊獻賦樓頭鬪韻興

纏綿騷壇詩筆早知名賦就蘭章孰與爭

愛蘭圖及蘭鏡詩
鐘均推尊作冠軍

賦江樓詩話

卷之一

三

著

作林

白戰果然無寸鐵偏師誰敢破長城生成夙慧人超俗寵錫
佳篇福不輕他日叩關來問字胸中鄙吝一時清春游云節
過長春雨復晴芒鞋踏處綠蕪平垂垂溪柳沿隄暗簇簇山
花照眼明店挂青帘游騎息橋鋪紅板麗人行東風沂水俱
天趣一路徜徉愜我情採桑云揀花風裏閉蠶房女伴呼羣
競採桑一徑綠陰人小立鳩聲梯影半斜陽柔桑十畝畫難
成婦女提筐雨乍晴正是育蠶天氣好東風吹出剪刀聲等
句得宋人筆意余擊賞之

稽山徐氏別署天香館主諱其名久寓西泠粗知文字今春
余返松陵記其送行七截一首云幾度爲郎散客愁是何心
忍說歸休妾身倘化江兒水十里錢塘凍不流